

successu temporis non paucae *Declarationes* illi subpositae et falsae circumferri coeperunt, ut adeo mandato *Gregorii XV.* a. 1621. ejusmodi *Declarationum* Syllogae Indici Librorum prohibitorum adji- cendi fuerint, cautumque sit ab *Urbano VIII.* a. 1631. ne ulli earum fides habeatur, nisi manu et sigillo Cardinalis Praefecti et Secretarii Congregationis munitae. Antiquior his Constitutionibus est praefens Collectio, et ad calcem ita subscripta: *Has Declarationes descripsit et finiuit mense Junio Anno 1606. Laureti Joannes Bruneau Leodiensis, Lector ibidem mensae, ex Exemplari Bibliothecae Lauretanae; Quae Declarationes observantur per omnia ab Ordinarijs et Vicarijs. De Seminario Clericorum episcopali sermonem hic esse putem. Declarationes ordinem Sessionum sequuntur, et Prima est in verba Sessionis IV. Et si regulares fuerint ultra examinationem &c. hujus tenoris: Congregatio censuit idem in concionibus observandum, etiam si concionatores ab ordinario fuerint approbati. De ipsa Congregatione adi, si placeat *Hinoldi Plettenbergii Notitiam Congregat. et Tribunalium Curiae Rom. Hildesii 1693. 8.**

DCCCCXLIII.

R. 3346 Codex membraneus lat. Sec. XIV. Folior. 174. 4. min. partim lineis longis, partim per duas columnas, neque una manu, commode tamen exaratus, et minio di-

stinatus e pluribus Opellis coagmentatus est, ut sequitur: I. *Hec sunt statuta domini Gwidonis Cardinalis presbiteri.* Ad concilium *Salisburgense XXII.* celebratum *Vienae* a. 1267. mense *Majo* pertinent, cui praefuit hic *Clementis IV.* Legatus *S. Laurentii in Lucina* titulo Cardinalis *Vladislao* Archiep. nondum Sacris initiato. Ipsa *Statuta* extant in *Flor. Dalhami Conciliis Salisburg.* editis *Aug. Vindel.* 1788. p. 105. f. et alibi. Codex noster quandoque lectione differt.

II. fol. 5. *Hec sunt Statuta Friderici Episcopi Saltzpurgen.* In Concilio videlicet *XXIII.* a. 1274. *Kal. Novembr.* acto. Leguntur in *Concill.* mox cit. p. 117. Canonibus, ut in superiore, paullo aliter divisus, et verbis quandoque diversis.

III. fol. 9. *Hec sunt instituta Ven. domini Friderici Archiepiscopi Ecclesie Saltzpurgen. A. S. L. Instituta in provinciali concilio Saltzpurgen. Anno domini M°. CC°. LXXXIX°.* Omitte ultimum X. ad annum enim 1281. pertinent, et habentur 1. cit. p. 126.

IV. fol. 12. *Hec sunt constitutiones domini Johannis episcopi Tusculani a. f. 1.* Extant apud *Harzbemium T. III. Concill. Germ.* p. 725. conditae in Concilio *Wurceburgensi* a. 1287. Mense *Mar- cii*, ut habet ad calcem Codex, *Post Letare ierusalem.* Nec hic varia deest lectio. Ita *Can. X.* pro *Presbyteris duas communicaturas recipere*, Codex legit *Plebanos duas*

duas recipere uicarias. et Can. XXXIV. pro *Leccatores* seu reprobato *Apostolos* habet *Reſtores*; minus quidem recte; interim tamen, quid *Leccatores* ſint, *Harzbemius* non explicat. Ego non *Scurras* et *Paraſitos* a noſtro *Lecken* arbitror, qualem enim hi *reprobata* *Regulam*, aut *inſolitum habitum* ſequerentur, quod ait *Canon*, verum *Clericos* aut *Monachos* vagabundos, alias *Sarabaitas* dictos, aut *Gyrovagos*, ab antiquato *Läcken*, quod *Curſitare*, *Saltare* ſignificabat.

V. fol. 20. *Hec eſt conſtitutio*, domini *Bonifacii pape*. Haud dubie VIII. *Data apud ſanctum Petrum VI. Kal. Marci Pontificatus Anno ſecundo*, itaque a. 1296. Non inveni in *Bullario* magno. Incipit: *Clericis laycos infeſtos opido tradit antiquitas, quin et preſentium experimenta temporum manifeſte declarant* — imponunt onera grauiſſima, ipſosque talliant et eis colleſtas imponunt, ab ipſis ſuorum prouentuum uel bonorum dimidiam, decimam uel uiceſimam, uel quamuis aliam portionem aut quotam exigunt &c. Id igitur deinceps et exigentibus et dantibus ſub anathemate prohibetur. Mirum hic occurrere voces *Talliare*, *Staggiare*, *Saiſire*, quae gallicae potius originis ſunt, et in *Cangii Gloſſario* exponuntur.

VI. fol. 21. *Hec ſunt conſtitutiones domini Chunradi Archiepiſcopi Saltzpurgen*. Editae in Concilio XXVI. a. 1291. numero tantum Tres, et relatae in Concill. Denis Codd. Theol. V. II. P. III.

ſuprac. p. 139. Can. II. ubi *Dalbamius* et etiam *Harzbemius* legunt: *quam extra Salisburgenſem — Gaizenſem Archidiaconatus extendi ad praefens volumus*, Codex habet fortaiſſe rectius *nolumus*, item *Garzenſem*, quod pariter probabilius videtur, ſive *Garſum* in *Austria* intelligas, ſeu ſcribendum erat *Gurcenſem* in *Carinthia*.

VII. fol. 22. p. 2. *Conſtitutiones Synodales domini Iohannis Epicoſcopi Brixinenſis Eccleſie faſte anno domini. M°. CCC°. XVII°*. In die *Othmari*. In *Harzbemii Conciliis* non reperio, et *Reſchius* non perduxit *Annales* ſuos uſque ad hoc tempus. *Iohannes* hic a. 1319. ad *Bambergenſem* atque deinceps ad *Friſinganam* Sedem translatus fuit. *Capitula* V. hic ſtatuta priuant eccleſiaſtica ſepultura et ſuffragiis fidelium eos, qui annos diſcretionis ingreſſi de peccatis non fuerint confeſſi, qui absque confeſſione in manifeſto peccato mortali obierint, qui iniuſte detinent aut occupant res alienas una cum heredibus conſciis, qui uſuras exercent qui in excommunicatione maiori deceſſerint. Eorum promulgationi per ſingulos annos adſignantur Dominicae tres ante Feſtum OO. SS. tres ante Nat. Domini et tres in Quadrageſima. Initium eſt: *Nos Iohannes &c. Ne pretextu ignorantie quiſquam ſubditorum noſtrorum uelamen excuſationis aſſumat &c.*

VIII. fol. eod. *Illuſtri domine &c. Frater thomas de Aquino ordinis*

2341

C O D I C E S

2342

dinis fratrum predicatorum salutem &c. Excellentie uestre recepti literas ex quibus et piam sollicitudinem &c. Domina haec Margarita est Comes Flandriae, quae Thomam, quomodo habendi sint Iudaei, consuluerat, unde Responsum hoc in Editionibus inscribitur: de Regimine Iudaeorum, et est in Edit. Rom. 1570. T. XX. Opusculum 21. f.

IX. fol. 48. Fratris Sybotonis ordinis predicatorum. Quid vero? Pfalmus Miserere versiculatim expositus hoc initio: Septem sunt defectus impellentes hominem ad querendam misericordiam dei &c. ut jam hoc Vol. retuli. Vide Indicem.

X. fol. 109. Triga Sermonum: De VII. Donis Spiritus S. De Passione Domini. De Ejusdem Nativitate, quibus immorari operae pretium non fert.

XI. fol. 114. Tractatus minutissime exaratus de Virtutibus, primum in genere, dein de Theologicis, tum de Cardinalibus, demum de Donis s. Spiritus, Beatitudinibus evangelicis &c. Autor tacetur. Initium est: Uirtus sine studio sui esse non potest. Bernh. Primum opus uirtutis est docere. Uirtus cum humilitate uult doceri, cum labore queri, cum amore haberi &c. Opus non absimile Tractatui Guilielmi Alverni de eadem materia.

DCCCCXLIV.

Codex membraneus lat. Sec. U. 631 XIV. Folior. 31. 4. min. sat nitide perscriptus, et rubricis distinctus complectitur, ut e calce praeoccupo, *Statuta prouincialis Concilij Moguntini per nos P. (etrum) dei gratia Sancte Moguntine Sedis Archiepiscopum presentibus nostris confratribus et suffraganeis celebrati. Anno Domini M. CCC°. Decimo feria secunda post dominicam qua cantabatur Jubilate quibus nostrum Sigillum duximus appendendum.* Ex his verbis, quae nemo recitat, Exemplum istud ad *Αυτογεγραφο* aliquod descriptum fuisse videtur, quale non contigit editori Harzbemio, qui T. IV. *Concill. Germ.* p. 224. fatetur, se ad rursus publicanda haec *Statuta* non nisi impressis Exemplaribus usum fuisse. Norat ille tamen Codices *mss.* tres, et Editiones quinque. Unde mirari subit *Nic. Serarium*, qui L. V. *Rer. Mogunt.* c. 39. hujus Concilii vix paucula superesse censuit. Addamus nos etiam *Collectionis Concill. Labb.* editionem *Venetam*, cujus T. XIV. ad col. 1479. insertum est. Ordo porro Decretorum in nostro Codice in eo solum abit ab *Harzbemiano*, quod in *Libros* diuisa non sint, et Decretum contra *Beghardos et Beginas*, quod ibi p. 200. habetur, nobis fol. 17. p. 2. tribus sequentibus Decretis postpositum legatur, et aliquoties duo Decreta confluerint in unum, aut unum in duo sit tributum. Major